

PM lancar pembinaan masjid UMP



Pekan, 21 Julai – Perdana Menteri Malaysia, Dato' Sri Najib Tun Haji Abdul Razak hari ini melancarkan pembinaan masjid UMP yang bakal menjadi mercu tanda pembangunan di Mukim Kuala Pahang yang dapat dimanfaatkan bukan sahaja dalam kalangan warga Kampus malahan boleh dinikmati masyarakat sekitar daerah Pekan.

Dengan keistimewaan rekabentuk dan senibinanya, kompleks masjid ini akan turut menjadi model nadi transformasi ummah, pencerahan minda dan pembangunan sosial secara progresif dan dinamik untuk dimanfaatkan dan diimarahkan secara optimum oleh warga UMP dan masyarakat.

Dalam majlis yang sama Dato' Sri Najib mengumumkan pemilihan UMP untuk melaksanakan kursus jangka pendek dalam kursus teknologi kereta api amat bersesuaian dengan kedudukan universiti ini yang tertetak berhampiran projek Landasan Kereta Api Pantai Timur (ECRL). Projek besar-besaran ini akan dilancarkan September ini dan memerlukan sokongan warga kerja yang mempunyai kemahiran dalam bidang teknologi kereta api. Tambahnya lagi, UMP akan memulakan proses ini dan pengambilan pertama seramai 300 penuntut akan dibuatmulai September ini untuk kursus Teknologi Kereta api bagi tempoh enam bulan. Beliau berucap pada Majlis Pelancaran Pembinaan Masjid UMP dan Raikan Syawal bersama Komuniti serta Warga UMP di UMP Pekan baru-baru ini.



Majlis turut dihadiri Menteri Pendidikan Tinggi, Dato' Seri Idris Jusoh, Yang DiPertua Dewan Undangan Negeri Pahang, Dato' Dri Haji Ishak Haji Muhammad, Ketua Setiausaha KPT, Tan Sri Noorul Anuar Mohd. Nur, Ketua Pengarah Pengarah Pendidikan Tinggi, Datin Paduka Siti Hamisah Tapsir, Pengerusi Lembaga Pengarah UMP, Dato' Sri Mohd. Helmiy Mohd Taib, Naib Canselor UMP, Professor Dato' Dr. Daing Nasir Ibrahim, bersempena Majlis Pelancaran Majlis UMP dan Raikan Syawal bersama komuniti Kuala Pahang dan warga UMP.

Menurut Dato' Dr. Daing Nasir, Keunikan Kompleks masjid ini adalah terletak pada rekabentuknya yang bersifat mesra alam dengan aplikasi teknologi hijau pada senibinanya yang bercorak sirip (fin shape) yang mengambil kira arah aliran angin dan ventilasi yang mampu menyejukkan ruang solat yang berkapsiti 3,500 orang Jemaah dengan udara bersih dan segar tanpa menggunakan sistem pendingin hawa.

"Tempoh pembinaan kompleks masjid dijadualkan selama 95 minggu dan dijangka siap pada 6 Mac 2019, sekaligus menggantikan masjid sementara UMP Pekan yang kini beroperasi di aras 2, bangunan Pusat Aktiviti Pelajar. Insya- Allah dengan sempurnanya projek ini kelak, kompleks ini bakal menjadi sebuah hab pembangunan kerohanian dan insaniah komprehensif,"katanya.

Dengan lokasinya yang terletak di tepian tasik UMP Pekan pasti memberi ketenangan kepada para tetamu dan pelawat yang bakal berkunjung sekaligus memberikan pengalaman ibadah dalam suasana yang selesa. Kerja –Kerja awal pembinaannya kini baharu sahaja bermula di tapak masjid yang berkeluasan 7.5 ekar atau 30,315 meter persegi di Pad Pembangunan Blok 5 kampus universiti ini.

Selain menempatkan masjid yang juga akan dibuka untuk orang awam, kompleks ini akan turut berfungsi sebagai nadi operasi Pusat Islam & Pembangunan Insan UMP(PIMPIN) yang dilengkapi dengan insfratraktur seperti Pejabat Pentadbiran, bilik mesyuarat, dewan seminar, bilik kuliah, perpustakaan, taman asuhan kanak-kanak, ruang serbaguna dan bilik pengurusan jenazah.

Katanya, dengan infrastruktur moden yang serba lengkap tersebut, pihak pengurusan komited untuk menjadikannya kompleks masjid ini satu kemegahan dan simbol kejayaan UMP dalam konteks hubungannya dengan masyarakat, bukan sahaja sebagai tempat ibadat umat islam, tetapi juga sebagai institut penyatuan dan perpaduan.

Merencanakan usaha pembinaan ini warga kerja dan mahasiswa UMP juga turut proaktif terlibat dalam usaha pencarian dana tambahan bagi tujuan pembinaan menara setinggi 45 meter untuk melengkapkan lagi ciri fizikal kompleks masjid ini. Majlis Perwakilan Pelajar UMP (MPP) juga turut berperanan menggerakkan kempen "Mahasiswa Bina Masjid" dalam kalangan pelajar, alumni dan komuniti luar sebagai menyokong usaha ini.



Dalam pada itu, terdapat juga ruang fasiliti pembangunan sosio ekonomi termasuk mewujudkan kiosk untuk meningkatkan pendapatan dana masjid serta dapur yang bakal dibina khas bagi memudahkan urusan penyediaan makanan untuk program iftar Jamaie. Lain -lain bahagian termasuklah pembangunan sosio budaya dan pendidikan dengan menubuhkan kelas Al-Quran dan Fardhu Ain (KAFA) serta pembangunan sosio kebajikan dengan mengadakan Pusat Rawatan Islam disediakan bagi warga UMP dan komuniti yang menghadapi masalah spiritual.

Bersempena dengan majlis ini juga turut berlangsung penyampaian sumbangan daripada Bank Islam Malaysia Berhad berjumlah lima puluh ribu kepada tabung Masjid UMP. BIMB diwakili Ketua Pegawai Shariah, Mohd Nazri Chik manakala MKG Teguh Enterprise menyumbang sebanyak dua puluh ribu. T turut Menyumbang Yayasan Taqwa Wilayah Persekutuan, Noor Hasma Haron. Lebih 2000 oran hadir untuk meraikan syawal bersama Perdana Menteri.

Disediakan Bahagian Komunikasi Korporat PNC

Posted By : NUR LAILA BINTI AFANDI Date Posted : 24-07-2017, 15:19:31